

**ФЕДЕРАЛНИ ЗАВОД ЗА ПРОГРАМИРАЊЕ
РАЗВОЈА****2289**

Na osnovu člana 21., 22. i 23. Zakona o računovodstvu i reviziji u Federaciji Bosne i Hercegovine ("Službene novine Federacije BiH", broj 15/21), člana 67. i 70. Pravilnika o knjigovodstvu budžeta u Federaciji BiH ("Službene novine Federacije BiH", broj 60/14) i Pravilnika o popisu imovine, potraživanja, zaliha i obaveza u Federalnom zavodu za programiranje razvoja, broj 01-02-2-136-2/16 od 12.10.2016. godine, v.d. direktora Federalnog zavoda za programiranje razvoja donosi

**RJEŠENJE
O IMENOVANJU KOMISIJE ZA POPIS STALNIH
SREDSTAVA, SITNOG INVENTARA, POPISA
OBAVEZA, POTRAŽIVANJA I BLAGAJNE
U 2023. GODINI****I**

U Komisiju za popis stalnih sredstava, sitnog inventara, popisa obaveza, potraživanja i blagajne u 2023. godini imenuju se:

- Aida Resić-Salkunić, predsjednik komisije
- Adnan Šećerbajtarević, član
- Zuhra Hromić, član
- Edina Hodžić, tehničko lice.

II

Popis novčanih sredstava blagajne komisija će izvršiti sa 31.12.2023. godine, a potraživanja i obaveza do 31.01.2024. godine.

III

Komisija je dužna popis stalnih sredstava završiti do 31.12.2023. godine, te uskladiti knjigovodstveno sa stvarnim stanjem do 20.01.2024. godine.

IV

Komisija je dužna zbirni izvještaj dostaviti do 31.01.2024. godine Službi knjigovodstva zajedno sa svom ostalom dokumentacijom i popisnim listama.

V

Naknada za rad svakog člana komisije utvrdit će se posebnim rješenjem.

VI

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 01-11-3-159-2/23
20. decembra/prosinca 2023. godine
Sarajevo

Po ovlaštenju Vlade
FBiH
Pomoćnik direktora
Nijaz Avdukić, s. r.

**КОМИСИЈА ЗА ВРИЈЕДНОСНЕ ПАПЕРЕ
ФЕДЕРАЦИЈЕ БОСНЕ И ХЕРЦЕГОВИНЕ****2290**

Na osnovu člana 10. i 11. Zakona o Komisiji za vrijednosne papire ("Službene novine Federacije BiH", broj 39/98, 36/99, 33/04, 92/13 i 6/17), člana 209., člana 231. stav (2), člana 237., 238., 239. stav (1), člana 240. stav (2), člana 241. stav (2) i (5), člana 243. stav (1) tačka e) i stav (2), člana 244. stav (4), člana 245., 246. i 247. Zakona o tržištu vrijednosnih papira ("Službene novine Federacije BiH", broj 85/08, 109/12, 86/15 i 25/17), Komisija za vrijednosne papire Federacije BiH (u daljem tekstu: Komisija), na 111. sjednici održanoj dana 21.12.2023. godine, donijela je

**PRAVILNIK
O IZMJENI I DOPUNI PRAVILNIKA O
OBJAVLJIVANJU INFORMACIJA I IZVJEŠTAVANJU
NA TRŽIŠTU VRIJEDNOSNIH PAPIRA****Član 1.**

- (1) U Pravilniku o objavljivanju informacija i izvještavanju na tržištu vrijednosnih papira ("Službene novine Federacije BiH", broj 99/22, 1/23 i 12/23) član 3. stav (2) mijenja se i glasi:
"(2) Emitenti otvorena dionička društva i emitenti koji nisu otvorena dionička društva u skladu s članom 179. ZTVP ali su uvršteni na slobodno tržište, obavezni su dostavljati Komisiji, radi objavljivanja, i polugodišnji izvještaj o poslovanju na način i u rokovima propisanim ZTVP i ovim Pravilnikom."
- (2) Iza stava (2) dodaje se novi stav (3) koji glasi:
"(3) Emitenti čiji su vrijednosni papiri uvršteni u kotaciju na berzi obavezni su dostavljati Komisiji, radi objavljivanja, i tromjesečni i devetomjesečni izvještaj o poslovanju na način i u rokovima propisanim ZTVP i ovim Pravilnikom."

Član 2.

Član 4. stav (1) mijenja se i glasi:

"(1) Godišnji izvještaj o poslovanju, polugodišnji izvještaj o poslovanju kada su u pitanju emitenti uvršteni na slobodno tržište, te tromjesečni i devetomjesečni izvještaj o poslovanju kada su u pitanju emitenti čiji su vrijednosni papiri uvršteni u kotaciju na berzi, emitenti unose u za to predviđene obrasce dostupne na internetskoj stranici Komisije."

Član 3.

- (1) U članu 5. iza tačke b) dodaje se nova tačka c) koja glasi:
"c) tromjesečni i devetomjesečni izvještaj o poslovanju u roku od 30 dana po završetku obračunskog perioda na koji se izvještaj odnosi."
- (2) Dosadašnje tačke c) i d) postaju tačke d) i e).

Član 4.

Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-02-2281/23
21. decembra 2023. godine
Sarajevo

Komisije za vrijednosne papire
Federacije Bosne i Hercegovine
Adnan Zukić, s. r.

Na temelju članka 10. i 11. Zakona o Komisiji za vrijednosne papire ("Službene novine Federacije BiH", broj 39/98, 36/99, 33/04, 92/13 i 6/17), članka 209., članka 231. stavak (2), članka 237., 238., 239. stavak (1), članka 240. stavak (2), članka 241. stavak (2) i (5), članka 243. stavak (1) tačka e) i stavak (2), članak 244. stavak (4), članka 245., 246. i 247. Zakona o tržištu vrijednosnih papira ("Službene novine Federacije BiH", broj 85/08, 109/12, 86/15 i 25/17), Komisija za vrijednosne papire Federacije BiH (u dalnjem tekstu: Komisija), na 111. sjednici održanoj dana 21.12.2023. godine, donijela je

**PRAVILNIK
O IZMJENI I DOPUNI PRAVILNIKA O
OBJAVLJIVANJU INFORMACIJA I IZVJEŠTAVANJU
NA TRŽIŠTU VRIJEDNOSNIH PAPIRA****Članak 1.**

- (1) U Pravilniku o objavljivanju informacija i izvještavanju na tržištu vrijednosnih papira ("Službene novine Federacije BiH", broj 99/22, 1/23 i 12/23) članak 3. stavak (2) mijenja se i glasi: